

Sambayel gujjo tanum pennowo

Wonno doo wona wonataa ko tindol.

- Wonno doo ko gorko gooto nguurndam makko fof ko nguyka. Jooni noon Alla wadi o ari e maayde o noddii de-
 1 bbo makko o wasiyii dum o wii dum so biyam o ari ko wonno meccalam koo kaalana dum. Jooni noon Sambayel
 jibinaama yaade giyum en. Gooto fof ina bakkoo ko wonno meccal bammum, kono noon kanko o alaa koo jartii.
 O arti to yummako o naamndii dum hol ko wonno golle baaba makko giyiiko en fof na kaala na kaala mecce
 baaba mum en haa heddi kanko. Yummaako jaabii mbo: "Meccal baaba maa jaraani siimtude." O wii: "Hay so ta-
 5 wiino baaba am ko jogoo pade wonnoo yoo mi haalane". Yummako wii mo: "Baaba maa ko gujjo wonnoo". O wii:
 "Hay so ko dum o wonnoo bonaani." O fini o yehi gada wuro kanko e giyiraabe makko. O tawi pooli tati, nduu
 na fudnaange nduu na hiraange, nduu na rewo. O rufi o wujji wonda hakunde nduu taw wonda yeeso nduu
 e wonda caggal nduu tinnaani. O arti o wii yummako: "Mi fudfiima wadde meccal baaba am". O fini o finani
 ndawyal laamdo ngal ngandu-daa hay gooto suusaa memde. O wujji dum o wari o yetti nebam dam o haayni
 10 o wadi e lehe jeedidi o suudi nder taarodde. Laamdo oo fini yiilii haa maayi yiitaani ndawyal mum. Tabalde fiyaa
 ina naamde so alaa jiido ndawyal laamdo. Gooto fof wii yiyaani. Laamdo noon ina jogii biyum debbo, noddii sa-
 gataabe wuro. Gooto fof ari haali ko woni meccal mum. O wii dum en: "Mi nanii kono wonaa dum ndaartat-mi".
 Sambayel gujjo ari wii mo: "Ko miin wujji ndawyal baaba maa". Faarmata jaabi mo: "Hol ko wonata seede men?"
 O wii dum: "Ar fembam bannge ngoppaa bannge". O fembi mo o jaggi sukundu ndu o holloyi baaba makko.
 15 Ndeen Sambayel yehii to yummum naamndii dum so tawii ko baaba mum bami wujjude ko meedi wujjude lay-
 setaaji. Yummako wii mo ko dum tan o hebbini. O yehi o yaltini o wii yummako yo foog mo ha laaba. O yehi o
 soorii wuro fembi baabiraabe wuro be fof bannge e hoore hay laamdo.
 Laamdo noddii batu Sambayel araani. Laamdo neli yoo Sambayel bii gujjo taanum penoowo noddoye. Sambayel
 noddoyaa wii yoo fade haa hebloo. O ari Faarmata bii laamdo wii: "Baaba gujjo maa nani." Sambayel wii: "Hol ko
 20 nguju-mi?" Laamdo hebbitii wii mo: "Ko aan wujji ndawyal am." O wii: "Hol mo wii maa dum?" Faarmata wii mo:
 "Ko aan wujji ndawyal ngal, ina jogii fimnde laabnde. Sabbu adani fembi bannge ada woppi bannge."
 Sambayel wii mo: "Ii! Hay baaba kaari kay ina fembi bannge e hoore." Baabiraabe ngitti kalaaji mum en tawi
 kañum en fof ina pembii bannge e hoore haa ari e laamdo. Kanko o wii be: "Ndaare hooram ndee so taw meedii
 wadde sukundu. Ndebe ngaynunoo batu fusi". Dewel jaawando ari e laamdo, wii dum: "Mido yidi yiilanaadema
 25 ndawyal maa kono maa njeenaakam." Laamdo yeenimo muudo kanje e muudo kaalis. O yehi galle Sambayel
 gujjo taanum penoowo en, koo sehil yummum. O wii dum: "Miin dee taanam sellaani, alaa fof to min njahaani
 wiyaama ko nebam ndawyal safrata dum." Yummum Sambayel wii mo: "Emin njogii kay. Sambayel ina wujjunoo
 ndawyal, amin kaayni heen lehe jeedidi nebam. Taade Sambayel alaa doo, ar mi hokku maa heen nelugel." Omo
 hoota o fotti e Sambayel e damal galle hee. Sambayel ndarii mo ndaari nebam dam andi wonaa meere addi
 30 mo tan wii mo: "E neene kaari ko mbaadataa dam nebam?" O jaabii dum: "Taanam sellaani ngar-mii doo yeewde
 nebam ngam safrude dum." O wii: "Ii? Aan no mbaadaa wonde sehil nenam nii alaa koo hokkat maa so wonaa kal
 seedayal. Ar mi beydanoy maa." Dewel jaawando rewii e makko. Be njehi haa taarodde. O foomnii mo haa weeri
 o heli leggal daande makko. O wii mo mi andaa goddo dee, wonaa aan haaltanoyta laamdo. Laamdo fadi haa
 tampi yiyaani dewel jaawando yiyaani ndawyal nangi kanje sari e wuro. O wii kala koccudo ko kañum woni gujjo.
 35 Sambayel na daani finaani tawo. Yummako findini mo wii mo: Sambayel, o fewjanama. Laamdo nana finiri sarde
 kanje e laabi kala koccudo ko bareteedo, tene o waawaa waasde hoccude. Sambayel yaalti yuurnii mbedaaji. O

arti e yummakoo o wii dum: "Ko baaba am bami wujjude koo mbele meedi wujjude pade e kaañeeri?" Yummako wiimo: "Wonaa dum mankiradaa." Sambayel yefti pade muuli heen kaañeeri haa hawri boornii dum rewi e mbeddaaji hocciri kanje oo pade mum haa laabi taw hay gooto yiyaani omo turii. Laamdo haalanaa kanje yehii hay gooto yiyaani nawdo. Laamdo naji. Sambayel naamditii yumnum mbele ko baaba mum bami wujjude koo fof meedii wujjude laamdo e hoore mum. 40

Yummiraado oo jaabi mo wii mo: "Hande noon a dawrii bone." Sambayel wii mo: "Hande pinir-mi ko mido wujjuyaa laamdo." O lelii ha jamma kanko Sambayel o mooykinii seese o naati galle laamdo. O tawi laamdo ina daani sara debbo mum o wujji dum o faari dum genaale. O nabbi e dow lekki o jiimi e mum ommo saawi kaaye. O wii haayre e yeeso laamdo melep. Laamdo diwi haa dow wii: "Ijjam! Dum ko woni? Hol to ngon-mi?" Sambayel jaabimo: "Ko miin Alla, ngon-da ko genaale Ada anndi Samba?" O wii: "Sambayel bii gujjo taanum penoowo?" tan o wiiti mo haayre rut: "Haa mi nanta tan. A haanga? Njid-mi ko Sambayel bii gujjo taanum penoowo mo o noddirte oo yoo iw haa laaba." Laamdo oo wii mo: "Kala deftudo heen maa mi waar dum." O wiimo kadi: "Biye biyeteedo Faarmata oo ndokkaa mo o resa dum. Laamu maa nguu peccaa e hakunde laamo-daa banje o laamoo banje. So dum alaa mi war maa." O wiiti mo haayre melep. Laamdo wi mo jabi. Sambayel wii mo: "Muɓɓaa gite maa, so dum alaa miin Alla kalla nde njii-daa kam kaa maayowo." 45 50

Laamdo muɓɓi gite mum haa yetti galle mum tawi debbo mum ina daani wii dum: "Kellal, ar fin, ko Alla wujju-noo kam." Weeti laamdo neli yoo Samba noddoye tan woodi biido: "Sambayel gujjo taanum penoowo?" Ndeen o wii noon tan laamdo wii: "Kirseemo". O hirsaa. Samba noddoyaa tawaa ina daanii. O wii nellaado oo yoo yaa haa o hebloo. Nelaado arti haalani laamdo. Laamdo yamiri yoo Samba fade. Nii Samba fadaa haa ari. Laamdo wii mo hokkii mo banje e wuro yoo laamo e biyum biyeteedo Faarmata oo yoo res dum. Kadi yoo anndu kala biitudo mo "Sambayel gujjo taanum penoowo" koko waretee. Nii Samba laamarii banje e wuro, resi bii laamdo, natti noddireede Sambayel gujjo taanum penoowo. Ndiwaa doo dakkaa doo. 55 60